

本草經解要

本草經解要卷三

古吳葉桂天士集註

河東楊維祖遠齋閣定

同里門人王從龍校刊

木部

枸杞子氣寒味苦無毒主五內邪氣熱中消渴周痹  
風濕久服堅筋骨輕身不老耐寒暑

枸杞子氣寒稟天冬寒之水氣入足少陰腎經味

苦無毒得地南方之火味入手少陰心經氣味俱降陰也五內者五藏之內也邪氣者熱邪之氣也蓋五內爲藏陰之地陰虛所以有熱邪也其主之者苦寒清熱也心爲君火腎爲寒水水不制火火燥津液則病熱中消渴其主之者味苦可以清熱氣寒可以益水也水益火清消渴自止其主用痹風濕者痹爲閉症血枯不運而風濕乘之也治風先治血血行風濕滅也杞子苦寒益血所以治痹

久服苦益心寒益腎心腎交則水火寧而筋骨堅  
筋骨健則身自輕血足則色華所以不老耐寒者  
者氣寒益腎腎水足可以耐暑味苦益心心火寧  
可以耐寒也

制方

杞子同五味治疰夏 同熟地白朮白朮治腎虛  
目暗

金櫻子氣平味酸澁無毒主脾洩下痢止小便利澁

精氣久服令人耐寒輕身

金櫻子氣平稟天秋成之金氣入手太陰肺經味酸澁無毒得地東生西收金木之味入足厥陰肝經入手陽明燥金大腸經氣味俱降陰也十劑云澁可去脫脾洩下利大腸不禁也金櫻子味酸澁所以因脫也小便氣化乃出金櫻子氣平益肺肺氣足以收攝則小便利自止五藏六府之精皆藏于腎所以疏洩肝散之也金櫻子味酸斂肝肝不

疎洩精氣自遊矣久服酸平益肺肺主皮毛皮毛  
固所以耐寒肺主氣氣充所以輕身也

制方

金櫻子同艾實丸名水陸丹益氣補真煎膏丸

杜仲末治腎洩

杜仲氣平味辛無毒主腰膝痛補中益精氣堅筋骨  
強志除陰下癢濕小便餘瀝久服輕身耐老鹽水炒

杜仲氣平稟天秋降之金氣味辛無毒得地潤澤

之金味端入手太陰肺經氣味升多於降陽也腰  
者腎之府膝者腎所主也杜仲辛平益肺肺金生  
腎水所以腰膝痛自止也中者陰之守也辛平益  
肺肺乃津液之化源所以陰足而補中也初生之  
水謂之精天一之水也杜仲入肺肺主氣而生水  
所以益精氣精氣益則肝有血以養筋腎有髓以  
填骨所以筋骨堅也肺主氣辛平益肺則氣剛太  
所以志強陰下者即纂間任脈別絡也痿濕者濕

也。杜仲辛平潤肺則水道通而濕行也。小便氣化乃出有餘濕氣不收攝也。杜仲益肺氣氣固則能結精也。久服辛平益氣氣充則身輕辛潤滋血血旺則耐老也。鹽水炒則入腎醋炒則入肝以類從也。

制方

杜仲同續斷砂仁治胎前雜症 同續斷山藥糊  
丸治類墮胎 專一味酒炒丸治腰背痛



茯苓氣平味甘無毒主胸脇逆氣憂悲驚邪恐悸心  
下結痛寒熱煩滿欬逆口焦舌乾利小便久服安魂  
養神不饑延年

茯苓氣平稟天秋降之金氣入手太陰肺經味甘  
無毒得地中正之土味入足太陰脾經氣平味和  
降中有升陰也胸者肺之分也脇者肝之分也肝  
主升而肺主降肺金不足則氣不降肝木有餘則  
氣上逆逆于肝肺之分故在胸脇間也茯苓入肺

氣平則降味甘可以緩肝所以主之脾爲土肺爲  
金脾肺上下相交則五藏皆利位一身之天地矣  
若脾肺失中和之德則憂恚驚邪恐悸七情乖戾  
於胸發不中節而爲病茯苓味甘和脾氣平和肺  
脾肺和平七情調矣心平脾之分也濕熱在脾則  
結痛濕熱不除則流入太陽而發寒熱鬱於太陰  
而煩滿濕乘肺金而欬逆茯苓甘平淡滲所以能  
燥脾伐水清傘治以上諸症也人身水道不通則

火無制而口焦舌乾矣。茯苓入肺以通水道下輪  
膀胱則火有去路故止口舌乾焦水道通所以又  
利小便也。肝者魂之居也。而隨魂往來者神也。久  
服茯苓則肺清肅故肝木和平而魂神安養也。不  
饑延年者脾爲後天之本。肺爲元氣之府。脾健則  
不饑氣足則延年也。

制方

白茯苓人參白朮甘草陳皮山藥扁豆白芍治脾

虛 同人參白朮甘草陳皮半夏名六君子湯治  
欬而吐 同二朮澤瀉車前白芍陳皮木瓜豬苓  
治水腫 同陳皮半夏甘草人參枳殼川芎白芍  
歸身生地前胡葛根桔梗蘇葉生薑大棗名茯苓  
補心湯治火鬱心包痛而吐血欬逆

茯苓氣平味甘無毒主辟不祥療風眩風虛五勞口  
乾止驚悸多悲怒善忘開心益智安魂魄養精神  
茯苓神氣平稟天秋平之金氣入手太陰肺經味甘

無毒得地中正之土味入足太陰脾經氣平味和  
降中有升陰也。茯神味甘氣平得中正之氣味和  
脾肺位一身之天地所以能辟不祥也。諸風皆屬  
肝木木虛則風動而眩其主之者味甘性緩可以  
益肝傷氣平清金可以定風木也。五勞五藏勞傷  
其神也。五勞神傷則陰火動而口乾矣。茯神甘平  
安神故止口乾。驚悸多忘怒善忘皆心腎不交而  
肝木不寧之症。茯神氣平益肺肺氣下降則心亦

下交味甘益脾脾氣上升則腎亦上交蓋天地位  
則水火濟土金實則風木定五行相制之道也其  
謂心益智者昔氣平益肺之功肺益則水道通而  
心火有制所以心神開明而光明肺益則金生腎  
水所以伎巧出而智益也肝者魂之居肺者魄之  
處茯神氣平益肺肺寧肝和故安魂魄精者陰之  
華神者陽之靈茯神味甘益脾脾和則飲食納而  
精神得所養也

制方

茯神同沉香丸名朱雀丸治心神恍惚 專爲未  
艾湯服治心孔有汗及心虛夢洩白濁

松花氣溫味甘無毒主潤心肺益氣除風止血亦可  
釀酒

松花氣溫稟天春和之木氣入足厥陰肝經味甘  
無毒得地中正之土味入足太陰脾經氣味俱升  
陽也其主潤心肺者飲食入胃脾氣散精輸于心

肺松花味甘益脾氣溫能行脾爲胃行其津液輸  
于心肺所以潤心肺也益氣者氣溫益肝之陽氣  
味甘益脾之陰氣也風氣過肝氣溫散肝所以除  
風脾統血味甘和脾所以止血也可釀酒者清香  
芳烈宜於酒也

制方

松花同山藥白芍甘草茯苓治洩瀉 同紅麴山  
藥北味肉蓯蓉白芍杜仲治腎敗 專浸酒治頭



旋腦腫

山茱萸

氣平味酸無毒主心下邪氣寒熱溫中逐寒

濕痹去三蟲久服輕身

去核

山萸氣平稟天秋成之金氣入手太陰肺經味酸

無毒得地東方之木味入足厥陰肝經氣味俱降

陰也心下脾之分也脾之邪肝木之邪也肝木血

少氣亢則尅脾土并於陽則熱并於陰則寒矣山

萸味酸入肝益肝血而斂肝氣則心下之寒熱自

除也。山萸味酸收斂，斂火歸于下焦。火在下，謂之少火。少火生氣，所以溫中。山萸氣平，益肺。肺主皮毛，而司水道。水道通調，則皮毛疏理而寒濕之痹瘳矣。三蟲者，濕熱所化也。濕熱從水道下行，則蟲亦去也。久服味過于酸，肝氣以津，肝者散也，生氣生血之藏也，所以身輕也。

制方

山萸同人參五味子，補益智治老人小便淋瀝及

遺尿。同葛蒲甘菊生地黃相五味治腎虛耳聾。

同杜仲牛膝生地白膠山藥治腎虛腰痛。同

生地山藥丹皮白茯苓瀉柴胡白芍。補身五味名

滋腎清肝飲治木枯木亢之症。同杜仲治肝腎

俱虛。

栝子仁氣平味甘無毒。主驚悸益氣除風濕安五藏。  
久服令人潤澤美色耳目聰明不能不老。輕身延年。  
栝仁氣平。稟天秋季之金氣。人手太陰肺經。味甘。

無毒得地中正之土味入足太陰脾經以其仁也  
兼入手少陰心經氣升味和陽也心者神之舍也  
心神不寧則病驚悸栢仁入心驚者平之氣平平  
驚悸也益氣者氣平益肺氣味甘益脾氣滋潤益  
心氣也治風先治血血行風自滅栢仁味甘益脾  
血血行風息而脾健運濕亦下速矣蓋太陰乃濕  
土之經也五藏藏陰者也脾為陰氣之原心為生  
血之藏肺為津液之府栢仁平甘益陰陰足則五

藏者生矣久服甘平益血令面光澤心爲君主  
明則十二官皆安耳目聰明矣味甘益脾不饑不  
老氣平益肺輕身延年也

制方

栢仁同松仁麻仁治老人虛閉 同白虎生地黃  
肉丸治心脾虛

酸棗仁氣平味酸無毒主心腹寒熱邪結氣聚四肢  
酸痛濕痺久服安五藏輕身延年炒研

聚仁氣平稟天秋歛之金氣入手太陰肺經味酸  
無毒得地東方之木味入足厥陰肝經乎厥陰風  
木心包絡經氣味俱降陰也心者胸臆之分手厥  
陰心包絡脈起之處腹者中脘之分足厥陰肝經  
行之地心包絡主熱肝主寒厥陰主散不能散則  
寒熱邪結氣聚矣聚仁味酸入厥陰厥陰和則結  
者散也四肢者手足也兩厥陰經行之地也酸痛  
濕痺風濕在厥陰絡也聚仁味酸益血血行風息

氣平益肺。肺理濕行。所以主之也。心包絡者。心之  
臣使也。代君行事之經也。肝者生生之藏。發榮之  
主也。久服棗仁。則厥陰陰足。所以五藏皆安。氣平  
益肺。所以輕身延年也。

制方

棗仁同茯神。遠志。麥冬。石斛。五味。圓肉。人參。治驚  
悸。同生地。白芍。麥冬。五味。圓肉。竹葉。治自汗。

同茯神。人參。治盜汗。同人參。茯神。白朮。甘草。治

振持不眠 司知母夜神甘草名酸棗仁湯治虛  
煩不眠

女貞子氣平味苦無毒主補中安五藏養精神除百  
疾久服肥健輕身不老

女貞子氣平稟天秋收之金氣入手太陰肺經味  
苦無毒得地南方之火味入手少陰心經氣味俱  
降陰也中者陰之守也五藏者藏陰者也女貞氣  
平益肺肺爲津液之化源所以補中而藏安也心



者神之居。肺者水之母。入心肺而益陰。陰足氣充。氣充神旺。精生所以主養精神也。氣失其平則爲病。女貞氣平益肺。肺主氣。氣得其平。百病皆除矣。人身有形之皮肉筋骨皆屬陰者也。女貞平苦益陰。則肌肉自豐。筋骨自健也。心者生之本。其華在面。肺者氣之源。氣足則身輕。血華故不老也。

制方

女貞同甘菊生地杞子蒺藜治目昏暗。搗汁熬

骨埋地中七日點風熱赤眼

肉桂氣大熱味甘辛有小毒利肝肺氣心腹寒熱冷疾霍亂轉筋頭痛腰痛出汗止煩止嘔欬嗽鼻鼾墮胎漏中堅筋骨通血脈理疏不足宜導百藥無所畏久服神仙不老

肉桂氣大熱稟天真陽之火氣入足少陰腎經補益真陽味甘辛得地中西土金之味入足太陰脾經手太陰肺經有小毒則有燥烈之性入足陽明

燥金胃手陽明燥金大腸氣味俱升陽也肉桂味  
辛得金味金則能制肝木氣大熱稟火氣火能制  
肺金制則生化故利肝肺氣心腹太陰經行之地  
寒熱冷疾者有心腹冷疾而發寒熱也氣熱能消  
太陰之冷所以愈寒熱也霍亂轉筋太陰脾經寒  
濕症也熱可祛寒辛可散濕所以主之經云頭痛  
巖疾過在足少陰腎經腰者腎之府腎虛則火升  
於頭故頭痛腰痛也肉桂入腎能導火歸原所以

主之辛熱則發散故能汗出虛火上炎則煩肉桂  
導火所以主止煩也腎主五液寒則上泛肉桂溫  
腎所以止唾辛甘發散疏理肺氣故主欬嗽鼻鼾  
血熱則行所以墜胎肉桂助火火能生土所以溫  
中中者脾胃也筋者肝之合也骨者腎之合也甘  
辛之味補益脾肺制則生化所以充肝腎而堅筋  
骨也其通血脈理疏不足者熱則陽氣流行所以  
血脈通而理疏密也宣導百藥無所畏者藉其通

行流走之性也。久服神仙不老者，辛熱助陽，陽明故神純陽則仙而不老也。

制方

肉桂同人參炮薑附子治中寒腹痛。一同薑黃枳  
壳甘草生薑大棗治左脇痛脹。一同當歸牛膝治  
冬月產難產門不開。一同黃柏知母丸。名滋腎丸  
治小便不通。

桂枝氣溫味辛無毒。主上氣欬逆結氣喉痹吐吸利。

開節補中益氣久服通神輕身不老

桂枝氣溫稟天春和之木氣入足厥陰肝經味辛  
無毒得地西方潤澤之金味入手太陰肺經氣味  
俱升陽也肺爲金藏形寒飲冷則傷肺肺傷則氣  
不下降而病上氣欬逆矣桂枝性溫溫肺肺溫則  
氣下降而欬逆止矣結氣喉痹吐吸者痹者閉也  
氣結於喉閉而不通但吐而不能吸也桂枝辛溫  
散結行氣則結者散而閉者通不吐而能吸也辛

則能潤則筋脈和而關節利矣中者脾也辛溫則  
暢達肝氣而脾經受益所以補中益氣者肺主氣  
肺溫則真氣流通而受益也久服通神輕身不老  
者久服則辛溫助陽陽氣常伸而靈明陽盛而身  
輕不老也

制方

桂枝同白芍甘草生薑大棗名桂枝湯治中風  
同白芍甘草飴糖生薑大棗黃耆名黃耆建中湯

治陰血不足

吳茱萸氣溫味辛有小毒主溫中下氣止痛除濕血

療逐風邪開腠理欬逆寒熱泡焙用

吳萸氣溫稟天春和之木氣入足厥陰肺經味辛  
有小毒得地西方燥烈之金味入手太陰肺經氣  
味俱升陽也中者脾也太陰經也肺主氣亦太陰  
也氣溫則肺令下行而太陰亦煖所以溫中下氣  
也寒邪客于胸腹則真氣不通而痛矣辛溫則流



行和散所以止痛也辛溫暖肺肺氣通行則水道  
通調故又除濕血泣則成癰肝藏血血溫則活故  
主血痺辛溫爲陽則能發散故逐風邪肺主皮毛  
而司腠理辛溫疎散腠理自開形寒飲冷則傷肺  
肺傷則氣不下降而火反上逆欬逆寒熱之症生  
焉吳萸辛溫暖肺肺氣下降而寒熱欬逆之症自  
平也

制方

吳萸同人參生薑大棗名吳萸湯治嘔涎頭痛  
同陳皮附子治腎氣上曠 同川連白芍丸治痢  
同炮薑末湯服一錢治食已吞酸 同肉桂  
薑丸名和中丸治寒腹脹

丁香氣溫味辛無毒主溫脾胃止霍亂壅脹風毒諸  
腫齒疳齕能發諸香

丁香氣溫稟天春和之木氣入足厥陰肝經味辛  
無毒得地西方之金味入手太陰肺經氣味俱升

陽也。丁香味辛入肺，芳香而溫，肺太陰也。脾太陰，肺煖則太陰煖而脾亦溫，脾與大腸爲表裡，大腸屬胃，所以主溫脾胃也。霍亂太陰寒濕症也，氣壅而脹，肝邪乘土也。丁香辛溫能散太陰寒濕，平厥陰脹氣，所以主之也。風氣通肝，風毒諸腫，風兼濕濕勝而腫也。丁香氣溫可以散肝風，味辛可以消濕腫也。齒疳壘陽明濕熱生蟲也。太陰與陽明爲一合，丁香辛溫太陰則太陰爲陽明行濕熱而

齒疳蜜愈也能發諸香者丁香氣味辛溫而有起發之力也。

制方

丁香同白菴藿香陳皮厚朴砂仁治寒霍亂同  
陳皮薑汁糊丸治小兒虛寒吐瀉同半夏薑汁  
丸治小兒寒濕吐瀉不止。

蜀椒氣溫味辛有毒主邪氣欬逆溫中逐骨節皮膚  
死肌寒濕痹痛下氣久服頭不白輕身增年。

蜀椒氣溫稟天春煖之木氣入足厥陰肝經味辛  
一有毒得地西方酷烈之金味入手太陰肺經氣味  
俱升陽也其主邪氣欬逆者氣溫入肝可以散邪  
味辛入肺降氣可以止欬逆也中者太陰脾也蜀  
椒入肺肺亦太陰肺溫脾亦溫也骨節皮膚肝肺  
之令也蜀椒氣溫可以散寒味辛可以祛濕所以  
主死肌癢痛也肺主氣肺溫則下降之令行所以  
下氣久服辛溫活血髮者血之餘所以頭不白也

辛溫益陽陽氣充盛所以身輕增年也。

制方

蜀椒炒去汗擣取紅末一斤生地取自然汁煎至一升和椒末丸名椒紅丸治元藏傷憊同蒼朮醋糊丸治餐洩不化。

椒目同巴豆菖蒲松脂黃

蠟爲挺納耳中一日一易治耳聾神效。

沉香氣微溫味辛無毒療風木毒腫去惡氣。

沉香氣微溫稟天初春之木氣入足少陽膽經足

厥陰肝經味辛無毒得地西方之金味入手太陰  
肺經氣味俱升陽也沉香辛溫而香燥入肝散風  
入肺行水所以療風水毒腫也風水毒腫卽風毒  
水腫也肺主氣味辛入肺而氣溫芳香所以去惡  
氣也。

制方

沉香同人參菖蒲遠志茯神棗仁生地麥冬治思  
慮傷心 同木香藿香砂仁治中惡腹痛辟惡氣

同蘇子橘紅枇杷葉白菴人參麥冬治胸中氣逆

烏藥氣溫味辛無毒主中惡心腹痛蟲毒疰忤鬼氣宿食不消天行疫癘膀胱腎間冷氣攻衝背脊婦人血氣小兒腹中諸蟲

烏藥氣溫稟天春暖之木氣入足厥陰肝經味辛無毒得地西方之金味入手太陰肺經氣味俱升陽也肺者手太陰經主氣合皮毛而爲外固者也



肺氣不虛則外邪無從而入。正氣不傷則外邪不能爲害。心腹太陰經行之地。中惡而心腹痛。太陰正氣不能祛邪也。烏藥味辛而溫。溫能行。辛能散。所以主之。辛溫爲陽。陽能破陰。故主蠱毒症。忤鬼氣也。飲食入胃散精于肝。肝之能散全賴辛溫之陽以行之也。烏藥辛溫助肝。所以消食。疫瘴之邪皆因濕熱釀成。辛溫條達可消濕熱。抑寒之氣所以主之。膀胱腎間冷氣。寒水之氣也。攻衝背脊從

陰位來而犯陽也。烏藥辛溫助陽陽之所至陰寒自退且背脊太陰肺所主也。氣溫入肝肝藏血味辛入肺肺主氣辛溫走洩所以主婦人血氣凝滯也。小兒腹中諸蟲皆濕熱所化辛溫則具上達下洩之性所以能去諸蟲也。

制方

烏藥同人參沉香檳榔各磨汁各四磨湯治七情鬱結上氣喘急同沉香人參甘草末名烏沉散

治一切氣一切冷一切痛及中惡吐瀉轉筋疰忤  
鬼氣疫癘。

降真香氣溫味辛無毒燒之辟天行時氣宅舍恠異  
小兒帶之辟邪惡氣。

降香氣溫稟天春和之木氣入足厥陰肝經味辛  
無毒得地西方之金味入手太陰肺經氣味俱升  
陽也燒之能降天真氣所以辟天行時氣宅舍恠  
異也小兒帶之能辟惡氣者氣溫味辛辛溫爲陽

陽能辟惡也。色紅味甜者佳。

制方

降香同白芍甘草北味丹皮白茯苓生地治怒氣傷  
肝吐血。多燒能祛狐媚。爲末治刀傷血出不  
止。

蘇方木氣平味甘鹹無毒。主破血產後血脹悶欲死  
者。木煮五兩取濃汁服。

蘇木氣平稟天秋降之金氣入手太陰肺經味甘

鹹無毒得地中北土水之味入足太陰脾經足少陰腎經氣味降多於升陰也味甘入脾脾統血味鹹走血所以破血也產後血脹悶煮汁五兩服破血之功也

制方

蘇木同澤蘭生地人參小便益母牛膝黑豆治產後血暈 同人參名參蘇飲治產後氣喘面黑欲

死

蔓荊子氣微寒味苦無毒主筋骨間寒熱濕痺拘攣  
明目堅齒利九竅去白蟲久服輕身耐老

蔓荊子氣微寒稟天冬寒之水氣入足少陰腎經  
足太陽寒水膀胱經味苦無毒得地南方之火味  
入手少陰心經氣味俱降陰也太陽寒水主筋所  
生之病而骨者腎之合也蔓荊寒可清熱苦可燥  
濕濕熱攘則寒熱退而拘攣愈矣氣寒壯水味苦  
清火火清則目明水壯則齒堅齒乃腎之餘也九

瘰者耳目鼻各二口大小便各一也苦味清火所以九竅皆利也白蟲濕熱所化苦寒入膀胱以瀉濕熱所以去白蟲也久服輕身者祛濕之功耐老者壯水之力也

制方

蔓荊子同甘菊荊芥黃芩烏梅芽茶白蒺藜川芎  
黑豆土茯苓治偏正頭風目將損者

桑皮氣寒味甘無毒主傷中五勞六極羸瘦崩中絕

脈補虛益氣結

桑皮氣寒。稟天冬寒之水氣。入足少陰腎經。味甘無毒。得地中正之土味。入足太陰脾經。氣降味和。陰也。中者中州脾也。脾爲陰氣之原。熱則中傷。桑皮甘寒。故主傷中。五勞者五藏勞傷真氣也。六極者六府之氣虛極也。藏府俱虛。所以肌肉削而羸瘦也。其主之者。桑皮甘以固脾氣。而補不足。寒以清內熱。而退火邪。邪氣退而脾陰充。脾主肌肉。自



然肌肉豐而勞極愈矣。崩中者血脫也。脈者血之府。血脫故脈絕不來也。脾統血而為陰氣之原。甘能益脾。所以至崩中絕脈也。火與元氣勢不兩立。氣寒清火。味甘益氣。氣充火退。虛得補而氣受益矣。

制方

桑皮同白芍。苳仁木瓜白朮。陳皮赤小豆。治水腫如神。同白芍沙參。杞子黃耆甘草。北味。治虛勞。

同糯米末米飲下治陸血欬嗽 桑皮一味治

皮水

桑葉氣寒味苦甘有小毒主除寒熱出汗

桑葉氣寒稟天冬寒之水氣入足太陽寒水膀胱  
經味苦甘有小毒得地中南火土之味而有燥濕  
之性入手少陰心經足太陰脾經氣味降多于升  
陰也太陽者行身之表而爲一身之外藩者也太  
陽本寒標熱所以太陽病則發寒熱桑葉人太陽

若能清甘能和故除寒熱汗者心之液得膀胱氣化而出者也桑葉入膀胱而有燥濕之性所以出汗也

制方

桑葉同黃耆歸身治血虛身熱無汗 同附子黃耆治裏氣虛寒表邪未盡 同脂麻丸名桑麻丸  
治血癆

槐花氣平味甘無毒主五痔心痛眼赤殺腹藏蟲及

皮膚風熱腸風渴血赤白痢並炒研服。

槐花氣平。稟天秋涼之金氣。入手太陰肺經。味苦無毒。得地南方之火。味入手少陰心經。氣味俱降。陰也。肺與大腸爲表裏。五痔大腸之火症也。槐花味苦清心。所以主之火鬱于心則痛。氣平能清味苦能洩。所以主之地。眼赤肝有實火也。實則瀉其子。味苦清心。心乃肝之子也。腹太陰經行之地。藏卽大腸肺之合也。味苦可以殺蟲。所以主之也。皮

膚肺之合也。平能清風，苦能洩熱，所以主之。腸風下血，大腸火也。赤白痢，大腸濕熱也。味苦者能清，所以並炒研服也。

制方

槐花同荆芥治下血。同牡蠣末治白帶。

黃柏氣寒味苦無毒。主五藏腸胃中結熱，黃疸腸痔，止洩利，女子漏下赤白，陰傷蝕瘡。

鹽水炒

黃柏氣寒，藥大冬寒之水氣入足少陰腎經，味苦

無毒得地南方之火味入手少陰心經氣味俱降陰也五藏六府心爲君主心屬火結熱火氣結也味苦洩熱所以主之黃疸胃經濕熱之症腸痔大腸火結之病洩利大腸濕熱之症其主之者黃柏入腎腎者胃之關大腸腎所主也氣寒能清味苦能燥故治以上諸症也漏下赤白胎漏下血及赤白帶也一因血熱妄行一因濕熱下注黃柏入腎寒能清熱苦可燥濕所以主之陰傷蝕瘡陰戶傷

蝕成瘡也。諸瘡皆屬心火。其主之者。苦寒瀉火也。

制方

黃柏同知母滋陰降火。同茅朮除濕清熱治瘰。  
要藥。同細辛瀉膀胱火。用蜜炙成末煨大蒜。  
丸治妊娠下痢白色。同木瓜白茯苓二朮石斛生。  
地治瘰。同白芍甘草治火熱腹痛。

山梔仁氣寒味苦無毒。主五內邪氣。胃中熱氣。面赤。

酒炮鼓鼻。白癩赤癩瘡瘍。

炒黑  
川

山梔氣寒。稟天冬寒之水氣。入足太陽寒水膀胱經。味苦無毒。得地南方之火味。入手少陰心經。氣味俱降。陰也。五內者五藏之內也。五藏爲陰。其邪氣乃陽邪也。山梔苦寒清陽。所以主之。胃爲陽明。胃中熱氣燥熱之氣也。氣寒稟冬寒之水氣。所以除燥熱也。心主血。其華在面。面赤色。心火盛也。苦味清心。所以主之。鼻屬肺。肺爲金。金色白。心火乘肺。火色赤。故鼻紅。成酒皰鼓鼻。其主之者。入心清。



火也癩者麻皮風也。膀胱主表。心火鬱于膀胱。寒水經則濕熱成癩也。白者濕也。赤者火也。山梔入心與膀胱。苦寒可以燥濕熱。所以主之也。瘡瘍皆屬心火。苦寒清心。故主瘡瘍也。

制方

梔子同桑皮黃芩甘草桔梗五味乾葛治酒皰鼻  
同連翹麥冬竹葉燈心川連甘草瀉心經有餘  
之火。

琥珀氣平味甘無毒。主安五藏定魂魄殺精魅邪氣  
消瘀血通五淋。

琥珀氣平稟天秋平之金氣入手太陰肺經味甘  
無毒得地中正之土味入足太陰脾經氣味降多  
于升陰也。色赤專入血分五藏藏陰者也。血有所  
凝則五藏爲之不安琥珀甘平和血故安五藏也  
隨神往來者謂之魂並精出入者謂之魄魄陰而  
魂陽也。琥珀氣平入肺肺主氣味甘入脾脾統血

才書卷之三  
三  
質堅有鎮定之功所以入肺脾而定魂魄也。魂魄  
定則神氣內守而精魅邪鬼不得犯之。所以云能  
殺鬼魅也。氣平則通利味甘則緩中。所以能消瘀  
血也。氣平入肺肺通水道所以治五淋也。

制方

琥珀同乳香沒藥延胡索乾漆鱉甲爲末。治產後  
血暈。同丹砂滑石竹葉木通麥冬。治心火小便  
閉。

豬苓氣平味甘無毒主痰瘧解毒蠱症不祥利水道  
久服輕身耐老。

豬苓氣平稟天秋涼之金氣入手太陰肺經味甘  
無毒得地中正之土味入足太陰脾經氣味降多  
於升陰也其主痰瘧者蓋主太陰嘔吐之濕瘧也  
豬苓入脾肺以化氣則濕行而瘧止也蠱症不祥  
皆濕熱之毒甘平滲利所以主之肺主氣氣平益  
肺肺氣化及州都則水道利所以利水久服則味

甘益脾脾統血血脈故射老氣平益肺肺主氣氣和故身輕也

制方

豬苓同白茯苓澤瀉滑石阿膠名豬苓湯治傷寒口渴及嘔而思水

枳實氣寒味苦無毒主大風在皮膚中如麻豆苦痒除寒熱結止痢長肌肉利五臟益氣輕身妙

枳實氣寒藥天冬寒之水氣入手太陽寒水膀胱

殼寒可清火苦可以洩胸膈之痰也。人小腸膀胱而性寒苦故可以逐水消脹滿風爲陽邪入大腸陽經兩陽相燦則血熱下行而爲腸風心包乃風木之經代君行事而主血枳殼清心包之火可以平風木而治腸風胃爲燥金味苦能燥所以安胃經云味過於苦胃氣乃厚蓋以苦能洩也。風入太陽氣壅而痛枳殼味苦能洩所以止痛也。

制方

枳殼同人參麥冬治氣虛大便不快 同川芎歸  
身生地白芍秦艽治腸風下血

檳榔氣溫味苦辛澁無毒主消穀逐水除痰癥殺三  
蟲伏尸療寸白

檳榔氣溫稟天春升之木氣入足厥陰肝經味苦  
辛澁無毒得地南火西金之燥味入手少陰心經  
足陽明燥金胃經手陽明燥金大腸經氣味降多  
於升陰也足陽明爲木穀之海氣溫則行味辛則

散故主消穀逐水手陽明爲傳導之官消化不盡則水穀留滯變成痰癖檳榔溫辛具消穀之才苦洩有下降之德所以主之也三蟲伏尸寸白皆濕熱所化之蟲也辛則散澁則燥苦則殺蟲故主以上諸蟲也。

制方

檳榔同川連扁豆蓮肉橘紅紅麴白芍烏梅葛根枳殼治痢下後重同雷丸使君子白蘼夷蘆薈



本草綱目卷之三  
三〇  
肉蔻胡黃連治小兒疳虵 同棟根鶴虱錫灰苡  
仁根貫仲烏梅治一切寸白蟲 同茅朮草果青  
皮甘草治瘰癧

厚朴氣溫味苦無毒主中風傷寒頭痛寒熱驚悸氣  
血癰死肌去三蟲薑汁炒

厚朴氣溫稟天春升之木氣入足厥陰肝經味苦  
無毒得地南方之火味入手少陰心經氣味升多  
於降陽也難經云傷寒有五中風傷寒濕溫熱病

一溫病是也。中風傷寒者，中風症也。風氣通肝，肝脈與督脈會於巔，風爲陽邪而傷上，所以頭痛。其主之者，厚朴入肝，溫散也。寒熱驚悸者，病寒熱而驚悸也。心虛則悸，肝虛則驚。厚朴氣溫，可以達肝，味苦可以清心也。肝藏血，心主血，血凝泣則成癰，苦可以洩溫，可以行，故主血癰。死肌者，亦血泣而皮毛不仁，麻木也。苦洩溫行，故亦主之。三蟲濕所化也。味苦燥濕，可以殺蟲，所以去蟲也。

制方

厚朴同檳榔木香川連滑石陳皮甘草治痢初起  
同白朮人參白朮白芍治腹脹。同生薑陳皮  
藿香砂仁半夏治胃寒嘔逆。

竹部

竹葉氣大寒味甘平無毒主胸中痰熱欬逆上氣

淡竹葉氣大寒稟天冬寒之水氣入足少陰腎經  
味甘平無毒得地中央燥土之味入足陽明燥金

胃土氣味俱降陰也。足少陰之脈其支者注胸少陰腎主五液水泛成痰痰滯胸中則熱其主之者寒可清也。陽明胃氣本下行氣逆而上則薰肺而欬竹葉寒可清胃甘平可以下氣也。

制方

竹葉同陳皮治上氣發熱。同石膏知母甘草麥冬名竹葉石膏湯治壯熱口渴。

竹茹氣微寒味甘無毒。主嘔呃溫氣寒熱吐血崩中。

竹茹氣微寒。稟天初冬寒水之氣。入足太陽寒水  
膀胱經。味甘無毒。得地中正之土味。入足太陰脾  
經。氣味降多于升。陰也。太陽者寒水經也。冬日燥  
熱。則太陽陰精不藏。感天燥熱之氣。主春木令則  
爲病。溫火性炎上。故多嘔。哕病在太陽。故發寒熱。  
竹茹氣寒。可以祛溫火。味甘可以緩火炎。所以主  
之也。脾統血。血熱妄行。非吐卽崩。其主之者甘寒  
可以清熱也。

制方

竹茹同麥冬半夏甘草生薑治嘔噦 同木瓜陳  
皮麥冬枇杷葉人參蘆根汁石斛治胃熱嘔呃  
同花粉治病後大熱搗

竹瀝氣大寒味甘無毒療暴中風風癰胸中大熱止  
煩悶消渴勞復

竹瀝氣大寒稟天冬寒之水氣入足少陰腎經味  
甘無毒得地中正之土味入足太陰脾經氣味降

多于升陰也。暴病皆屬于火。火熾風生以致僵仆。或偏痺不仁。竹瀝甘寒可以清熱緩急所以主之。胸中者太陰脾經行之地。脾陰虛則胸中大熱矣。甘寒清熱所以主之。腎者水也。心者火也。水不制火則心中煩渴而消渴矣。其主之者甘寒可以壯水而清火也。勞復者傷寒熱病愈後勞碌而復熱也。其主之者亦以甘寒能更清耳。

制芍

竹瀝同薑汁治中風及小兒狂語 同生地麥冬  
花粉石斛蘇梗北味治忝中風 同桔梗甘草麥  
冬治肺痿欬嗽

果部

蓮子氣平澁味甘無毒主補中養神益氣力除百疾  
久服輕身耐老不饑延年去心炒

蓮子氣平澁稟天秋收之金氣入手太陰肺經味甘無毒得地中正之土味入足太陰脾經以其仁



也。兼入手少陰心經。氣味升多于降。陽也。脾者五藏之中也。甘平益脾。所以補中。心者神之居也。芳香清心。所以養神。脾爲萬物之母。後天之本。脾主周身之氣。先天之源。甘平益脾。肺所以益氣力。心爲十二官之主。主安則十二官俱安。而百病皆除也。久服輕身耐老者。益氣和血之功。不饑延年者。補脾養神之力也。

制方

石蓮子蒸熟蜜丸不饑清心寧神 同白茯苓治遺

精 同川連木香陳米治噤口痢 同川連白芍

扁豆葛根升麻紅麴甘草滑石烏梅丸治痢如神  
同馬豆末治脾虛不食

陳皮氣溫味苦辛無毒主胸中痞熱逆氣利水穀久  
服去臭下氣通神

陳皮氣溫稟天春升之木氣入足厥陰肝經味苦  
辛無毒得地南西火金之味入手少陰心經手太

陰肺經氣味升多于降陽也胸中者肺之分也肺  
主氣氣常則順氣變則滯滯則一切有形血食痰  
涎皆假滯氣而成癥癥成則肺氣不降而熱生焉  
陳皮辛能散苦能洩可以破癥情熱也苦辛降氣  
又主逆氣飲食入胃散精于肝溫辛疎散肝能散  
精水穀自下也肺主降苦辛下洩則肺金行下降  
之令而下焦臭濁之氣無由上升所以去臭而下  
氣也心爲君主神明出焉味苦清心味辛能通所

以通神也

制方

陳皮留白和中去白消痰理氣同朮補脾同甘草  
補肺同補氣藥補氣同破氣藥破氣同消痰藥去  
痰同消食藥化食各從其類以爲用也 同人參

首烏桂枝歸身薑皮治三日瘧寒多 同白朮生

薑藿香半夏治寒痰 同白茯苓甘草半夏名二陳

湯治痰症 同生薑治噎 同藿香治霍亂吐瀉

用薑汁焙末同棗煎治脾瘕。去白爲末麝香  
調酒下治乳癰初發。鹽湯泡刮去白同甘草丸  
治痰涎上泛。同白朮丸名寬中丸治脾虛脹滿  
不思飲食。

青皮氣溫味辛苦無毒。主氣滯下食。破積結及膈氣。  
青皮氣溫。稟天春和之木氣。入足厥陰肝經。味辛  
苦無毒。得地西南金火之味。入手太陰肺經。手少  
陰心經。氣味升多于降。陽也。其主氣滯者。味辛入

肺肺主氣而辛溫能通也下食者飲食入胃散精于肝氣溫入肝肝能散精食自下也辛能散濕能行積者破而結者解矣肝主升肺主降升而不降氣膈于右降而不升氣膈于左溫可達肝辛苦洩肺則升降如而膈氣平矣

制方

青皮同人參鼈甲治瘧母 同枳殼肉桂川芎治左脇脹滿痛

大棗氣平味甘無毒主心腹邪氣安中養脾氣平胃氣通九竅助十二經補少氣少津液身中不足大驚四肢重和百藥久服輕身延年。

大棗氣平稟天秋收之金氣入手太陰肺經味甘無毒得地中正之土味入足太陰脾經氣味升多于降陽也心腹者太陰經行之地也邪之所湊其氣必虛陰陽形氣不足者宜調以甘藥大棗味甘可以調不足故主心腹邪氣外爲陽內爲陰陰和

則中安甘平益陰所以安中脾者陰氣之原也胃者陽氣之原也甘平益陰故養脾氣陰和則陽平故平胃氣中氣不足則九竅不通甘能滿中中氣足九竅通也十二經者三陰三陽也脾胃者陰陽之原也大棗養脾氣平胃氣則十二經無不助矣肺主氣而生津液氣平益肺所以主少氣少津液也脾主一身之氣脾統一身之血甘平益脾肺身中氣血和自無不足之症矣血氣足則神安所以



定大驚脾主四肢味甘益脾脾氣充四肢自輕甘  
平解毒故和百藥肺氣充脾血足所以輕身延年  
也

制方

大棗同小麥甘草名甘草小麥湯治婦人藏燥無  
故悲啼

芡實氣平澁味甘無毒主濕痹腰脊膝痛補中除暴  
疾益精氣強志令耳目聰明久服輕身不餓耐老神

仙方

芡實氣平澁稟天秋收之金氣入手太陰肺經味甘無毒得地中正之土味入足太陰脾經氣味降多子升陰也脾爲濕土而統血濕邪傷于下則走腹脊膝致血泣而成痺芡實甘平則益脾肺肺通水道則濕行脾和則血活而痺者瘳矣中者脾也味甘益脾故能補中暴疾多屬于火得水之精者多能抑火芡實味甘屬土而生于水所以制火而

主暴疾腎藏精肺爲金而腎爲水氣平益肺肺氣  
旺則生精金生水也味甘益脾脾氣升氣平益肺  
肺氣降升降如則天清地寧養之以剛大而志強  
矣味甘益脾脾統血自得血則明耳得血則聰故  
令耳目聰明也久服氣平益肺肺氣充則身輕味  
甘益脾脾血旺耐老不饑也肺脾氣血充足神仙  
有自來矣

制方

次實同金櫻子丸補下元虛 同白茯苓石蓮肉  
棗肉丸治便數遺精

木瓜氣溫味酸無毒主濕痹脚氣霍亂大吐下轉筋  
不止

木瓜氣溫稟天春和之木氣味酸無毒得地東方  
之木味氣溫升達味酸收斂一直一曲曲直爲木  
入足厥陰肝經氣味降多于升陰也肝主筋濕傷  
筋筋掣則癢木瓜溫能散濕酸能舒筋故主濕痹

脾氣者濕侵肝絡也。酸能滋肝。溫能散濕。故亦主之。霍亂大吐下轉筋不止者。肝屬木。木邪乘土。上吐下洩。肝主筋。筋熱短縮而爲之轉也。木瓜入土。以瀉木。木平筋自舒。所以主之也。

制方

木瓜同桑皮大棗治霍亂轉筋 同歸身牛膝石  
斛續斷白芍陳皮治血虛轉筋 同苡仁白茯苓  
尤五加皮石斛華薺黃柏治脚氣 專爲末治楊

梅結毒

烏梅氣平味酸無毒主下氣除熱煩滿安心止肢體  
痛偏枯不仁死肌去青黑痣蝕惡肉

烏梅氣平。稟天秋收之金氣。入手太陰肺經。味酸  
無毒。得地東方之木味。入足厥陰肝經。氣味俱降  
陰也。肺主氣。氣平則降。所以下氣。肝屬木。木枯火  
炎。逆於胸中。則熱而煩滿。烏梅味酸。能收浮熱。收  
氣下行。所以止煩滿也。心者火也。木之子也。味酸

氣平能平肝木木和心自安也肢體屬脾脾爲土  
肝木尅土則痛味酸則斂所以止痛肝藏血血枯  
則偏枯不仁死肌矣味酸益肝血血和則潤不仁  
死肌愈也去青黑痣及蝕惡肉酸收之味外治能  
消痣與肉也

制方

烏梅作湯治火炎頭痛 同豆豉甘草生薑童便  
治勞瘵 同川連九治赤痢 專燒灰敷治贅肉

枇杷葉氣平味苦無毒主卒嘔不止下氣

大寒刷  
盡毛

枇杷葉氣平稟天秋收之金氣入手太陰肺經味苦無毒得地南方之火味入手少陰心經氣味俱降陰也暴病屬火火炎上逆嘔而不止嘔者歲也味苦清心火所以主之肺主氣氣熱則上逆氣平降肺氣所以下氣也

制方

枇杷葉同麥冬五味白芍甘草治卒嘔不止同



本草綱目卷之七  
蘇梗前胡丹皮花粉五味木瓜治氣逆不下

龍眼肉氣平味甘無毒主五藏邪氣安志厭食除蟲  
毒去三蟲久服強魂聰明輕身不老通神明

同肉氣平稟天秋平之金氣入手太陰肺經味甘  
無毒得地中正之土味入足太陰脾經氣味降中  
有升陰也脾者五藏之原也邪之所滲其氣必虛  
圓肉味甘益脾脾健運則五藏皆充而邪氣不能  
容矣腎藏志腎者水藏也同肉氣平益肺肺金生

腎水水滋而志安味甘益脾脾補則以自進甘能  
解毒故除蠱三蟲濕熱所化也氣平益肺肺金藏  
也肺益則清肅之令行水道通濕熱下逐而蟲去  
矣久服氣平益肺味甘益脾脾主一身之血肺主  
一身之氣氣足生精則陰氣獨強心肝腎俱滋矣  
肝藏魂肝滋血藏故魂強而目明腎滋水旺則身  
輕而耳聰心滋血潤血色華而所以不老心靈通  
達所以神明也

制方

圓肉同生地天冬麥冬丹參栢仁遠志蓮肉五味  
茯神人參補心安神。

山槿子氣冷味酸無毒養汁服止水痢沐頭洗身治  
瘡癢。

山槿氣冷稟天秋涼之金氣入手太陰肺經味酸  
無毒得地東方之木味入足厥陰肝經氣味俱降  
陰也飲食入胃散精于肝肝不散精則滯而成癩

山楂味酸益肝肝能散精則滯下行氣冷益肺肺氣通調則水穀分而痢止矣沐頭者山楂消滯能去垢也皮毛者肺之合也瘡痒肺熱也氣冷清肺所以洗之也。

制方

山楂同礬紅川連紅麩消肉積 同紅麩麥芽陳皮白朮肉果厚朴砂仁消食積 同小茵丸治疝氣

杏仁氣溫味甘有小毒。主欬逆上氣雷鳴喉痹下氣。

產乳。金瘡。寒心奔豚。

湯泡去皮尖雙仁者大毒勿用。

杏仁氣溫。稟天春和之木氣。入足厥陰肝經。味甘。

得地中正之土味。入足太陰脾經。杏果本苦且屬。

核仁而有小毒。則稟火性。入手少陰心經。氣味俱。

升陽也。肺爲金藏。氣上逆乘肺則欬。肺苦氣逆急。

食苦以洩之。杏仁苦而下洩。所以止欬也。火結于。

喉閉而不通。則爲喉痹。雷鳴者火結痰雍聲如吼。

也杏仁溫能散結苦能下洩甘可緩急所以主之也杏仁味苦制肺制則生化則肺金下行所以下氣肝藏血血溫則流行故主產乳血既流行瘡口亦合故又主金瘡也心陽虛則寒水之邪自下如豚上奔衝犯心君矣故爲寒水奔豚其主之者杏仁稟火土之氣味能益心陽而伐水邪也杏本有小毒若雙仁則失其常所以能殺人也

制方

杏仁同白芍甘草北味蘇梗百合款冬怡火逆氣喘專一味消狗肉積

桃仁氣平味苦甘無毒主瘀血血閉癥瘕邪氣殺小

蟲雙仁者  
大毒

桃仁氣平稟天秋收之金氣入手太陰肺經味苦甘無毒得地中南火土之味入手少陰心經足太陰脾經氣味降多于升陰也心主血脾統血血者陰也有形者也周流乎一身灌溉乎五藏者也一

有疑滯非癥卽閉矣至有形可徵卽成癥假物成形則成癥蓋皆心脾不運故也桃仁甘以和血苦以散結則瘀者化閉者通而積者消矣桃爲五木之精能鎮辟不祥所以主邪氣稟火之苦味所以殺小蟲也

制方

桃仁同大黃朴硝甘草桂枝名桃仁承氣湯治蓄血